

LUTRIJA BOSNE I HERCEGOVINE d.o.o.
NADZORNI ODBOR

Na osnovu člana 22. Zakona o igrama na sreću („Službene novine Federacije BiH“, br.48/15 i 60/15) i člana 22. Statuta Lutrije Bosne i Hercegovine d.o.o. Sarajevo („Službene novine Federacije BiH“, br.95/15), Nadzorni odbor Lutrije Bosne i Hercegovine, na sjednici održanoj dana 31.10.2017. godine, d o n i o j e

P R A V I L A
novčane srećke “Kolo sreće”

1. OPŠTE ODREDBE

Član 1.

Ovim se Pravilima propisuju uslovi za priređivanje novčane srećke “Kolo sreće“ (u daljem tekstu: srećka).

Član 2.

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke “Kolo sreće”.

Ugovor iz stava 1. ovog člana zaključuje se između Lutrije Bosne i Hercegovine d.o.o. Sarajevo (u daljem tekstu: Priređivač) i učesnika u igri, na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

2. NAZIV I VRIJEME TRAJANJA IGRE

Član 3.

Novčana srećka “Kolo sreće” je igra na sreću sa unaprijed utvrđenom visinom fonda dobitaka, u kojoj učesnik skidanjem emulzije sa određenih polja saznaje rezultat igre koji je otisnut u prostoru za označavanje dobitka.

Član 4.

Rok prodaje srećke otisnut je na srećki.

Rok prodaje srećke i krajnji rok za naplatu dobitaka mogu se produžiti odlukom direktora priređivača.

Srećke koje nisu prodane do zaključenja prodaje, odnosno dobici na ovim srećkama, ne smatraju se neisplaćenim dobicima.

Odluku o puštanju u prodaju svake od serija donosi direktor priređivača i ista će se objaviti u dnevnim novinama.

3. USLOVI ZA UČEŠĆE U IGRI

Član 5.

Učesnikom u igri smatra se osoba koja je s priređivačem zaključila ugovor iz člana 2. ovih Pravila, uz dokaz da posjeduje srećku.

Srećka glasi na donosioca.

4. PODRUČJE PRIREĐIVANJA U IGRE

Član 6.

Srećka se priređuje na području Federacije Bosne i Hercegovine i u distriktu Brčko.

5. POJEDINAČNA CIJENA SREĆKE

Član 7.

Cijena jedne srećke je 1,00 KM.

6. KOLIČINA I NOVČANA VRIJEDNOST EMISIJE SREĆKE

Član 8.

Srećka se emituje u serijama. Jedna serija sadrži 1.000.000 (jedan million) komada srećaka.

Novčana vrijednost emisije srećaka iznosi 1.000.000 KM (jedan million konvertibilnih maraka).

Odluku o broju serija donosi direktor priređivača.

7. VISINA FONDA I VRSTE DOBITAKA

Član 9.

Naknada za priređivanje srećke - javni prihod Federacije Bosne i Hercegovine iznosi 10% od ukupne emisije vrijednosti srećke ili 100.000 KM.

Fond dobitaka iznosi 63% od ukupne emisione vrijednosti ili 70% od ukupne emisione vrijednosti umanjene za iznos naknade iz stava 1. ovog člana.

Novčana vrijednosti fonda dobitaka iznosi 630.000 KM i dijeli se na 340.860 dobitaka.

Fond dobitaka serije se raspoređuje po slijedećem planu:

Vrsta dobitka	Komada/Broj dobitnih srećki	Iznos koji se izdvaja iz fonda dobitaka	Vjerovatnoća (1 : ...)
5.000 KM	10	50.000 KM	100.000
500 KM	100	50.000 KM	10.000
100 KM	250	25.000 KM	4.000
40 KM+40 KM+10 KM+10 KM	250	25.000 KM	4.000
40 KM	625	25.000 KM	1.600
10 KM+10 KM+10 KM+10 KM	625	25.000 KM	1.600
10 KM	2.000	20.000 KM	500
5 KM+2 KM+2 KM+1 KM	2.000	20.000 KM	500
5 KM	2.500	12.500 KM	400
2 KM+2 KM+1 KM	2.500	12.500 KM	400
2 KM	17.500	35.000 KM	57,14
1 KM+1 KM	17.500	35.000 KM	57,14
1 KM	295.000	295.000 KM	3,39
Ukupno:	340.860	630.000 KM	

Prosječna vjerovatnoća za ostvarivanje dobitaka iznosi 1:2,93.

8. OPIS SREĆKE

Član 10.

Srećka je pravougaonog oblika, a štampana je u 5 (pet) vizuala („FRUTTI FRUTTI“, „Horoskop“, „MORSKO BLAGO“, „Otvori sef“ i „Rulet“);

Prednja strana srećke sadrži:

- Logo Lutrije Bosne i Hercegovine;
- Vizual srećke sa motivima: „FRUTTI FRUTTI“, „Horoskop“, „MORSKO BLAGO“, „Otvori sef“ i „Rulet“;

- Centralni krug za grebanje ispod kojeg se nalazi jedan od slijedećih simbola: DJETELINA, POTKOVIKA, BUBAMARA, DUGME, RIBICA, SRCE, SMILE, ZVIJEZDA, CVIJET, DUGA, SLON, DIJAMANT, PRSTEN, KLJUČ. Oko centralnog kruga nalaze se 12 polja za grebanje, ispod kojih su oslikani simboli sa pripadajućim dobitkom;
- Cijena srećke;
- Naziv srećke: „Kolo sreće“;
- Polje prekriveno emulzijom sa natpisom „NE SKIDAJ“;
- Pakovni broj srećke.

Poleđina srećke sadrži:

- Logo Lutrije Bosne i Hercegovine;
- Logo “IGRAJ ODGOVORNO“;
- Logo WLA - Certified Security Control Standard;
- Logo „Srećke na dohvat ruke“;
- Logo THE EUROPEAN LOTTERIES - RESPONSIBLE GAMING CERTIFIED;
- Ispod centralnog kruga za grebanje označenog natpisom Sretni simbol nalazi se oslikan jedan simbol. Ispod 12 polja za grebanje koja se nalaze oko centralnog kruga, nalaze se oslikani simboli sa pripadajućim dobitkom. Ukoliko se na najmanje 1 od ukupno 12 polja za grebanje pronađe simbol sa centralnog kruga, ostvaruje se dobitak ispisan pored njega. Ukupan iznos dobitka predstavlja zbir svih iznosa ispisanih na poljima sa sretnim simbolom;
- PLAN DOBITAKA;
- SREĆKA JE NEVAŽEĆA AKO JE OŠTEĆEN DIO EMULZIJE SA NATPISOM „NE SKIDAJ“;
- Emisija 1.000.000 srećaka;
- Emisiona vrijednost 1.000.000 KM;
- Fond dobitaka: 630.000 KM;
- PRIREĐIVAČ: LUTRIJA BiH d.o.o. Sarajevo, Ul. Mehmeda Spahe 11, 71000 Sarajevo;
- Datum prodaje do otisnut na srećki;
- Pakovni broj srećke;
- Podaci o dobitniku, za oporezive dobitke: Ime i prezime, JMBG, Adresa;
- Polje sa uplatnom šifrom u brojčanoj i bar kod formi.

9. UTVRĐIVANJE DOBITAKA

Član 11.

Igrač utvrđuje dobitak skidanjem kolor emulzije sa centralnog kruga i sa 12 polja za grebanje, koji se nalaze oko centralnog kruga. Ukoliko se na najmanje 1 od ukupno 12 polja za grebanje pronađe simbol sa centralnog kruga, ostvaruje se dobitak ispisan pored njega. Ukupan iznos dobitka predstavlja zbir svih iznosa ispisanih na poljima sa Sretnim simbolom.

Igrač u igri nije dužan uzeti srećku na kojoj su vidljivi znaci oštećenja.

10. NAČIN I ROK ISPLATE NOVČANIH DOBITAKA

Član 12.

Pri isplati dobitaka učesnik je dužan predati priređivaču dobitnu srećku.

Dobitak se isplaćuje donosiocu srećke.

Dobitna srećka je ona srećka koja sadrži navedene elemente u članu 10. ovih pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

Član 13.

Porez na novčani dobitak plaća učesnik koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

Član 14.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Svi dobici prodatih srećaka, koji nisu isplaćeni do propisanog roka, smatraju se neisplaćenim dobicima.

Član 15.

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

Član 16.

Ispod emulzije na kojoj je napisano "NE SKIDAJ" se nalazi šifra. Priređivač čuva tajnost šifre.

11. NAČIN UPOZNAVANJA UČESNIKA U IGRI S OVIM PRAVILIMA

Član 17.

Ova Pravila se nalaze na svim prodajnim mjestima priređivača. Osobama zainteresiranim za sudjelovanje u igri priređivač je dužan omogućiti upoznavanje sa ovim Pravilima, odnosno dati ih na uvid.

12. PRELAZNE I ZAVRŠNE ODREDBE

Član 18.

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

Član 19.

Ova Pravila stupaju na snagu danom donošenja, a primjenjivaće se puštanjem u prodaju 1. serije srećke i ista će se objaviti u jednoj od dnevnih novina.

Broj: 01-17-2268-6/17.
Dana: 31.10.2017. godine

P R E D S J E D N I K

Miroslav Ćorić, s.r.